

**Attachment č. 2**

*a) Pa sos vorbij?*

*b) Šun e vorbi inke jekhvar taj skirin tejle sa e vorbi save si pa kodo so keren kakala taj kakala žejne.*

[for teacher]

Luja, korán detehára

Adějs si luja. Kames te žanes, sar mezij kado dějs amende khejre korán detehára? No hát av taj beš tejle. Me taj muro nípo bešas ando trínésobengo kher. Pherdo žejne sam, šouv žejne.

Muri dej si mindík angluni opre. Ušťel mindík korán detehára, te kerel amenge e tríne šavourenge o texan andi škola taj vi mura mámake, ká si nasváli. Apal ušťav me taj žav mindár andi kúpelna te thovav ma taj te kerav ma ká žav andi škola. Kana má kísno sim, ušťěn mure dúj pheňa, vi voun žan mindár andi kúpelna, no voun si khote majnem ek čáso. Azír feder ušťav me angluno, ká sim mindár kísno.

Kana sim kísno, žav pala muri dej andi koňha te xav taj te pijav o thud. Kana xav, šunav e d'íja. Naďon loukes xav, no mure pheňa, kana aven andi koňha te xan, tela dúj trín minuti si má kísna. Taj ame má apal žas te uravas ame taj te las e táški taj žas má po autobusi andi škola. Mindík site nášas te na žal-tar amenge o autobusi. Mindík má but čásura-j.

Taj atunči má ušťel muri mámi te pel e draba taj te xal. Ušťel vi muro dad te ingrel mura deja ando fouro te vašálj.

i dej	ušťel korán detehára, kerel o texan
o šávo	ušťel, žal te thovel pe, kerel pe, žal palaj dej andi koňha te xal, te pel taj te šunel e d'íja, uravel pe, lel i táška taj žal andi škola
e pheňa	ušťěn opre kana kísno-j o šávo, žan andi kúpelna, aven andi koňha te xan taj te pen, uraven pe, len e táški, nášen, žan andi škola.
i mámi	ušťel, pel e draba, xal
o dad	ušťel, ingrel te vašálj